

圖像水黃牛經合并大全卷上

○論牛保第一 耕牛係養民之道

聖聞古今聖帝明王享國裕民之道莫先於耕種若以勸課耕
爲急務則其富有天下者宜也此民之力穡爲勞而耕牛者
委以其力而代民之勞者也如此則力田者可不知放牧饑飽
之宜哉苟放牧違時飲餵失度則致多傷損或承饑而致痿或
身患而衝風自此暴病卒生不知察病揀方及時醫療却信巫
師詐言鬼祟或燒錢而祭醮或壓禳而書符不但轉加瘴疫且
益傷損頭足僕雖不田而食生長田間備知養牛之理乃於諸
家牛經內芟煩撮要凡耕牛毛色相貌之吉凶壽夭證納之異
同方藥之纖悉皆備論焉扣角牧之庶無不參於飯牛之職耳

○天子藉田勸農第二

傳曰藉者借也天子耕千畝但三推發再三推而止其後借民
力治之其所收之穀藏於神倉以供祀天地宗廟神祇之用也
天子以身先耕於天下者所以勸農也以建寅之月而郊以丑
郊卽所收之穀而祭也郊而後耕者也郊用辛口而耕用亥日
蓋亥之地直止是天倉星又以建辰月祭靈星以求農耕也靈
星是天田星此亦值於辰位故農宇之辰亦此義也若諸侯之
耕百畝以祀宗廟所耕在東郊少陽之位自天子以及諸侯皆
以身先於農所以重農事也

○論古來有異相牛第三

郭子璞禍冥記曰秦時有獻花隄牛高六尺尾長繞角生四耳
干寶搜神記曰晉天興元年有牛生一犢一頭八足兩尾而共
一腹又云昔有人曰叔保患病垂死醫者曰此病須得大白牛

眠爲藥病方得痊時楊子玄有大白牛求之不得後一日有六
白牛從西而來欲見叔保叔保聞之驚惶其疾卽愈又關令尹
喜傳曰周無極元年老子度關尹喜先誡門吏曰若有乘青牛
車而來者勿令過去果有乘青牛拔車而來吏白曰乘青牛車
者已至喜曰我遇聖人矣卽帶印綬而出迎之執弟子之禮以
見焉

○辨牛將來有黃并相牛法第四

寧戚相牛經曰任重致遠以利天下牛爲利也傳載牛口常有
似鳴者當有牛黃又曰牛羊無角者謂之牯牯牛牯牛眼近角者及
牛眼大者及眼中有白線貫八童子者其牛行最快壁堂欲得
闊謂堂四角膺延欲得廣牛也肩中央欲得下豐岳欲得太
體岳膝也尾下欲得大脚腕下欲得肉履蹠又宜體緊身促此相

法之大略也口中斗者肉重千斤唯水牛肚大尾青最是有力最大者肉重千斤最小者亦數百斤出廣州高涼郡也

○相耕田牛第五

須頭小腦大頭長身短角方眼圓脊高臂低食毛不分立齊足乃爲可耕力頭欲瘦小不用多肉面欲正長短則命促經云而高正長有齒無旋面若頭低半年損身眼欲得大去角要近有白脉貫瞳吉眼赤者觸人眼下有旋毛名淚滴主喪服鼻欲軟而大易牽鼻上毛逆凶鼻如鏹鼻難牽無力口欲方大易旋能食齒欲白若眼有緣脛主災經云齒牙雪白多招田宅角短方大絞浪角形如仰弓吉角向前吉向後凶兩角間有亂毛起名頭吃妨主經云角圓紋細使即遲滯耳去角要近略可容指方好多長毛不耐耳後有旋毛名刺環招盜賊經云牛耳角近促

不用營祿耳去角遠千里不轉頸骨欲得長大肩腋耳欲得衣
若窻則爲雙肩主有力若不衣者爲單肩少力毛短密亦黑
者耐寒疎長如鼠毛者怕寒毛赤堅自害損至倚毛向前犬舌
向後大凶肚下有橫毛使即到行前脚欲直而濶後脚要曲而
開股瘦小則健快經云前脚如箭後脚如弓蹄欲得大青黑紫
爲鉄蹄吉經云蹄色黃白行不滿百陰虹屬頸者于里中也前
帶抱喉及臨耳者早死經云前後無帶至老無害後帶半長法
主橫傷乳紅多子吉乳疎黑無子生袋來隱力吉橫出者凶屢
射前膊者快直下者鈍屎欲蹲放經云屎如螺旋用力如電身
欲得圓昭欲得密脊欲尖欲絞角欲厚重尾骨簾少毛者有力
尾稍長大吉也

序云神農氏斲木爲耜探木爲耒耨之利以教天下蓋取諸
益黃帝垂衣裳而天下治蓋取諸乾坤是知千乘之城非要無
以守民之五十非帛無以煖故后稷配廟社之享蠶室有后不
之制則耕桑爲當世之先務何可廢也耕於歷山者所以顯石
華之德遷於岐陽者所以表大姒之美千畝不敢廢三推之恭
比如不容罷蠶室之政凡此者皆以開衣食之源興禮節之風
耳若夫列五鼎肴飽良種以紅粟不知稼穡之艱誇盛飾者被
墻屋以文綉不念織耕之苦豈足語力本之道以裁成三代風
俗之變哉我

皇家撫安疆土文德誕敷武功昭著風雨時而五穀登教化行而
兆民泰聖皇聽政之殿端居穆清闕宮中之儀思達三代之好
晶勞五色黃屋乃帝堯之心播殖五穀躬耕是禹稷之事所以

身率藉田化民成俗農桑之務乃命有司刻木爲耦人又爲織婦蚕女之復置於紫微殿大矣哉聖人功義姦本之意歟語不云乎上有所好下必甚焉風行草偃疾如建鉞將無陋風復盛同穎九穗之瑞可翹首以待也臣近因召對獲蒙宣示拭目竊觀拜首稱賀職預司言敢蔽君善銅爵應侯將觀南畝之嘉祥仙龍載降願紀東郊之盛禮跪述贊曰

良匠度木

物無遁情

匠出心計

形逐意生

功爭造化

色奪丹青

像彼綠野

列於彤庭

仙沍扶桑

徒有虛名

寒耕暑耨

上感皇情

帝語影轉

條條欲行

宮簾風度

札札有聲

吾皇都之

信可經營

井田是念

侈心不萌

乾行日健

離照爲明

其道罔息

其德彌馨

神農帝舜

我后遵從

直書史策

敢告寰壑

中經大全

卷上

卷一
四
○頌美政納牛皮榜示

牛皮榜

牛皮榜

展對公衙南壁上

憫惜農家利益多

讀著聽者皆嘆仰

復誦斯文殊有理

改納恐殺耕牛死

上行下效俗依然

保國安民爲法軌

法軌行來真恩報

遐邇貴賤欽王化

無皮錢納一千餘

不必須徵此項價

候我皇王闢夷上

深念耕田苦中苦

秋收春種不曾闕

時當禁殺宜遵古

州縣鄉村知榜意

因茲容辨徵無恣

天時地利一人慈

是以年年倉廩備

倉廩備兮用却舒

南畝東疇牛莫捨


牛莫捨兮生息蕃

瘦弱疋羸放林野

僕十年前親讀牛皮榜默而喜曰此

朝廷美事可無歌乎遂作此歌補牧養之闕也

南京應天府六安州醫獸喻本元亨撰方



○黃牛青牛黑牛赤牛總有額上一花黃者養之主人多吉慶康寧喜事招橫財大吉之兆也

○黃牛 味若氣平有小毒人參爲之使得牡丹菖蒲良利耳且

○牛角腮

味苦甘性澁又云氣

溫無毒

○水牛角

味苦氣平又云氣冷

無毒

相白魯牛之圖



○黃牛若魯前一答白如手掌大者此是上相之牛養主並宜漆丁進業五穀豐熟大吉利也

○沙牛角 味苦氣溫無毒

○牛髓 味甘氣溫無毒


○牛骨髓 治吐血鼻切有效止崩中帶下尤良腸風下血服之如神水洩瀉痢用之愈妙

○牛鼻 灸理口眼喎斜貼好邊

率正斜左貼右作羹調乳汁恒

少吞天曉潤通

相牛中之主圖



○白牛頭黃者名爲牛中王養之
主人家多招資財富貴雙全子
孫昌盛六畜蕃行牛食相得二
千石豆也

○水牛鼻 乾濕皆可用

○牛鼻卷 木卷療小兒風癇草
卷燒主兒鼻下瘡


○牛心 專主虛忘

○牛肺 大止欬逆

○牛腎 補腎氣而益精

○牛肝 助肝血而明目治痢疾

相龍門牛之圖



○牛角闊相去一尺者名爲龍門
牛牛中王也若有人家養之主
人丁興旺六畜犧牲大吉利也
○牛齒 主小兒牛膈又能固齒
○牛肉 黃牛味甘氣平又云微
溫無毒水牛氣冷微毒

主治 主消渴仙方止嘔洩妙劑
助胃養脾安中益氣熱毒壯熱
能祛水腫溫氣卽去強筋骨而
力壯健養脫肉而補腰膝傷寒
時氣毒攻手足腫疼痛刀斷牛
肉裹腫處卽止

相蒿春牛之圖



○牛黃黑色者當脊背上一條白者名爲蒿春牛人家養者主家道豐衣足食孝子順孫一門和氣大吉之利也

○小腸大腸廣腸並厚各腸除腸風痔漏

○牛血脾百葉草脂具健脾胃免飲積

○牛莖 寒帶漏結胎

○牛腦 卻風癰止渴

○牛乳 味甘氣微寒無毒

相鹿斑凶牛圖



○牛有鹿斑者養之主人家財業
冷退所作不遂田蚕不成若有
此牛切不可養大當戒之


○牛乳腐 鯽乳利十二經脉通
大小便難

○牛酥 味甘氣涼又云微寒無

毒

主治 補五臟和腸胃大効益心
肺止渴嗽如神摩風腫踣跌血
瘀潤毛髮口瘡立祛除肺痿有
準止吐血尤靈

相孝頭牛圖



○牛若有頭上白者名爲孝頭生
養之主人家多凶禍喪事官事
連纏口舌與生大不利也

○牛酪 味甘酸氣寒無毒


主治 主熱毒解散發利止煩渴
心膈熱疼除胸中虛執胃執去
身面熱瘡肌瘡

○醍醐 味甘氣平無毒

○牛懸蹄 去一切熱風止赤白
帶下

○牛血 補身血枯涸

相喪門牛凶圖



○黑牛頭白尾白者名曰喪門之牛有養之者主多招凶禍惡事田蚕六畜財帛等事俱不美也


○牛耳中垢可敷蛇傷亦主癰腫鼻瘡尤良

○牛口中涎專主翻胃小兒不能行步

○牛臍中毛主小兒久不行白亦可煎膏

○日中藺草絞汁喉中噎服之佳

相黃旛牛凶圖



○青牛頭脚俱黃角白者名曰黃旛牛若有人養之者主大凶令人家消折所作不遂意也

○黃犍牛溺 味若辛氣微溫無毒

○牛屎 氣寒無毒

○黃犢臍屎 撿來燒搗細末暴驚九竅出血水服立効

敗鼓皮 是牛皮者勿吝收貯誅蠱服却絕妙神丹